

II - ARABAKO LURRALDE HISTORIKOAREN TOKI ADMINISTRAZIOA

LAGRÁNGO UDALA

Lan poltsa osatzeko deialdia eta oinarriak, Lagrán eta Haranako Udalen Elkarteko idazkari-kontuhartzaile lanpostua betetzeko, bitarteko izaerarekin

Lagrán eta Haranako Udalen Elkarteko idazkari-kontuhartzaile lanpostua hutsik dago.

ALHAOn argitaratu da, ekainaren 8an (65. zenbakia), estaturako gaikuntza duten toki administrazioeko funtzionarioentzat gordetako udaleko idazkari-kontuhartzaile lanpostua betetzeko deialdia, behin-behineko izendapenaren, zerbitzu eginkizunen edo metaketaren bidez, eta jendaurrean egoteko epean eta orain arte ez da jaso estaturako gaikuntza duen ezein funtzionarioen eskabiderik.

Ez dago karrerako funtzionariorik elkarteko udaletako plantillan, eta, beraz, ezin da ustekabeko izendapenik egin idazkari-kontuhartzaile lanpostua betetzeko.

Urriaren 30eko 5/2015 Legegintzako Errege Dekretuaren bidez onartutako Enplegatu Publikoaren Oinarrizko Estatutuaren Legearen testu bateginaren 10. artikulua 2. puntuan ezartzen duenez, "bitarteko funtzionarioak hautatzerakoan prozedura bizkorak erabili behar dira, betiere, berdintasun, merezimendu, gaitasun eta publikotasun printzipioak estu errespetatuta".

Estaturako gaikuntza duten toki administrazioeko funtzionarioen araubide juridikoa arautzen duen 128/2018 Errege Dekretuaren 53. artikulua 1. atalaren arabera: "Gaikuntza nazionala duten toki-administrazioeko funtzionarioek gordetako lanpostuak betetzea ezinezkoa denean, eta Enplegatu Publikoaren Oinarrizko Estatutuaren Legearen testu bateginaren, urriaren 30eko 5/2015 Legegintzako Errege Dekretuaren bidez onetsitakoa, 10.4 artikuluan ezarritakoa alde batera utzi gabe, toki-korporazioek bitarteko funtzionario bat izendatzea proposatu ahal izango diote autonomia-erkidegoari, berdintasun-, merezimendu-, gaitasun- eta publizitate-printzipioak errespetatuz. Funtzionario horrek A1 azpitaldean sartzeko eskatzen den titulazioa izan beharko du".

Lan poltsa bat eratzeko deialdia eta oinarri arautzaileak onartzeko espedienteari hasiera emateko erabakia onetsi zuen elkartearen batzarrak, eta lehendakariak erabaki hori betearazteko ahalmena izango du.

Honen bidez, elkarteko presidente gisa, aipatutako deialdia eta oinarri arautzaileak argitaratzeko agintzen dut, l. eranskinaren arabera, Lagrango eta Harana Haraneko Udalen Elkarteko idazkari-kontuhartzaile lanpostua aldi baterako betetzeko, idazkari-kontuhartzaile lanpostu bat batera mantentzeko, bitarteko izendapen bidez, merezimendu lehiaketa bidez hautatuta eta lan-poltsa bat eratuta.

Lagrán, 2026ko uztailaren 24a

Elkarteko lehendakaria eta Lagrángo alkatea
URTZI GAINZARAIN GONZÁLEZ DE DURANA

I. ERANSKINA**Arabako Lagrán eta Haranako Udalen Elkarteko idazkari-kontuhartzaile lanpostua bitarteko izendapen bidez betetzeko, merezimendu lehiaketa bidez hautagaiak hautatzeko eta lan poltsa osatzeko oinarri arautzaileak****Lehenengoa. Deialdiaren helburua**

Deialdi honen helburua da merezimendu lehiaketa bidez hautatzea Lagrán eta Haranako Udalen Elkarteko idazkari-kontuhartzaile lanpostua, hala badagokio eta bitarteko izendapenaren bidez, betetzeko lan poltsa osatuko duten hautagaiak.

Lan poltsa osatzeak ez du esan nahi, nahitaez, bitarteko izendapena egingo denik, eta hautaketa prozedura honetatik sor daitekeen izendapenak ez du inola ere ekarriko karrerako funtzionario izaera aitortzea.

Nolanahi ere, administrazioak ofizioz formalizatuko du bitartekotasun harremanaren amaiera, honako arrazoi hauetako edozeinengatik, eta bitarteko funtzionarioak ez du konpentsaziorik jasotzeko eskubiderik izango:

a) Lanpostua araututako eran karrerako funtzionarioek betetzeagatik, lege ezarritako edozein prozeduraren bidez.

b) Esleitutako lanpostua kentzea edo amortizatzea eragiten duten antolaketa arrazoiengatik.

c) Izendapena eragin zuen arrazoa amaitu delako.

Nolanahi ere, bitarteko funtzionarioak izendatu eta hiru urtera, bitarteko harremana amaitu egingo da (Enplegatu Publikoaren Oinarrizko Estatutuaren Legearen testu bategina onesten duen urriaren 30eko 5/2015 Legegintzako Errege Dekretuaren 10.4 artikulua).

Bigarrena. Lanpostuaren ezaugarriak

Honako hau bitarteko langileen bidez betetzeko merezimendu lehiaketarako deialdia egiten da:

Lanpostuaren izena eta maila: Idazkaritza, 3. maila

Azpieskala: Idazkaritza-kontuhartzaila.

Taldea: A1/A2.

Destino osagarria: 26.

Berariazko osagarria: 29.130,50 euro urtean.

Hizkuntza eskakizuna: C1 simetrikoa (C1C1) Derrigortasun data: 2025eko ekainaren 20a.

Hirugarrena. Izangaiek bete beharreko baldintzak

a) 16 urte beteta izatea eta nahitaezko erretiroa hartzeko gehieneko adina ez gainditzea.

b) Espainiar nazionalitatea izatea.

c) Titulazioa: gradu ko unibertsitate titulua (edo baliokideak: lizentziatura, ingeniari-tza, arkitektura) lortzeko eskubideak izatea edo ordainduta izatea. Atzerrian titulua lortu duten izangaiek dagokien homologazio kredentziala eduki beharko dute, edo, hala badagokio, baliokidetasun ziurtagiria, bai eta profilarena ere.

d) Bete beharreko lanpostuari dagozkion eginkizunak betetzeko gaitasun funtzionala izatea, eta eginkizun horiek betetzea eragozten duen gaixotasunik edo akats fisiko edo psikikorik ez izatea.

e) Diziplina espediente bidez baztertuta ez egotea herri administrazioen edo autonomia erkidegoetako organo konstituzionalen edo estatutuen arabera organoen zerbitzutik, eta ez egotea epai bidez erabat edo bereziki desgaituta enplegu eta kargu publikoetan aritzeko ez funtzionario kidego edo eskalan sartzeko, ez eta, langile lan kontratadunen kasuan, baztertu edo desgaitutako lanpostuan egiten zituzten antzeko egitekoetan aritzeko ere. Desgaituta edo horren pareko egoera batean ez egotea, eta beste estatu batean egoera berean egonda enplegu publikora iristeko eragozpen izango litzatekeen diziplinazko zehapenik edo horren parekorik ez izatea.

f) Ezintasuneko edo bateraezintasuneko legezko auziren batean sartuta ez egotea.

g) C1 simetrikoa (C1C1) edo goragokoa izatea. Hizkuntza eskakizunak egiaztatzeko, Euskara-ren jakite maila egiaztatzen duten tituluak eta ziurtagiriak baliokidetu, eta Hizkuntzen Europako Erreferentzi Marko Bateratuko mailekin parekatzeko azaroaren 9ko 297/2010 Dekretua hartuko da kontuan, bai eta Euskaraz egindako ikasketa ofizialak onartzeari eta euskarazko hizkuntza titulu eta ziurtagirien bidez egiaztatzetik salbuesteari buruzko apirilaren 3ko 47/2012 Dekretua ere.

Hautagaiari bakarrik dagokio egiaztatzea, eta ez dago aurreikusita hizkuntza eskakizuna egiaztatzeko probak egitea.

h) Estaturako gaikuntza duten toki administrazioko eskalako karrerako funtzionarioek ezin izango dute parte hartu, haien azpieskala eta administrazio egoera edozein izanda ere.

Eskaerak aurkezteko epea amaitzen den unean bete beharko dituzte izangaiek aipatutako baldintzak, eta proposatutako izangaiak baldintza horiek bete beharko ditu oraindik ere izen-dapenaren unean.

Laugarrena. Eskaerak

Oinarri hauen eranskinean adierazitako ereduaren arabera eskaerak Lagrángo Udaleko alkateari zuzendu behar zaizkio (Errementari kalea 1). 01118 Lagrán (Araba), hamar egun balio-duneko epean, deialdi hau ALHAOn argitaratu eta hurrengo egunetik aurrera.

Lagrán Udaleko erregistro orokorrean aurkeztu ahal izango dira jendearentzako zerbitzu egun eta orduetan, astelehenetik ostiralera, 9:00etatik 14:00etara. Udalaren egoitza elektronikoaren bidez ere aurkeztu ahal izango dira:

<https://udalenegoitza.araba.eus/lagran/web/inicioWebc.do?opcion=noreg&entidad=LA-GRAN&idioma=3>

Era berean, Administrazio Publikoen Administrazio Prozedura Erkidearen 39/2015 Legeak 16. artikuluan ezartzen dituen tokietako edozeinetan ere aurkeztu ahal izango dira.

Ezinbesteko baldintza da eskaerarekin batera sartzeko baldintzak eta alegatutako merezi-menduak betetzen direla egiaztatzen duten agirien kopia aurkeztea (NANA, graduako titulua eta gidabaimena).

Bosgarrena. Hautagaiak onartzea

Eskabideak aurkezteko epea amaitu ondoren, lehendakariak ebazpena emango du, behin-behinean onartutakoen eta baztertutakoen zerrenda onetsizat emanda. Ebazpen hori udaletxeko iragarki taulan eta Lagrángo Udalaren egoitza elektronikoan argitaratuko da, eta bertan adieraziko da zergatik baztertu den. Ebazpen hori automatikoki behin betiko bihurtuko da, baldin eta baztertutako izangairik ez badago edo, izangaiak egon arren, zerrenda jendaurrean jarri eta bost egun balioduneko epean alegaziorik aurkeztu ez badute.

Onartutakoen eta baztertutakoen behin betiko zerrenda onartzen duen ebazpenean, edo behin-behineko zerrenda behin betikotzat jotzen duen ebazpenean, epaimahai kalifikatzailea non eta noiz eratuko den eta nork osatuko duen zehaztuko du epaimahaiburuak.

Seigarrena. Hautaketa prozesuaren deskribapena

Hautaketa prozesua lehiaketa bat izango da, eta honako merezimendu hauek baloratuko dira:

A) Azken bost urteetan idazkaritza-kontuhartzailatza azpieskalako hautaprobetako ariketaren bat gainditzeagatik, 3 puntu. Eskatzaileak, izena emateko epean, proben deialdia egin duen organoaren ziurtagiriaren bidez egiaztatu beharko du hori, gainditutako ariketa eta hura egin zen eguna identifikatzeko datu guztiak adierazita.

B) Esperientzia. Gehieneko puntuazioa, 6 puntu.

Idazkaritza-kontuhartzailletza azpieskalan estaturako gaikuntza duten toki administraziooko funtzionarioentzat gordetako lanpostuetan organo eskudunak bitarteko langile edo aldi baterako langile izendatuta lan egindako hilabete oso bakoitzeko: 0,1 puntu.

Estatuko, autonomia erkidegoetako edo toki erakundeetako administrazio orokorreko kidego orokorretako edo eskaletako A taldean, A1/A2 azpitaldetan sailkatuta dauden beste azpieskala batzuetako funtzionarioentzat gordetako edo gaikuntza nazionala duten funtzionarioentzat ez gordetako administrazio publikoetako funtzionarioen lanpostuetan izandako esperientziaren hilabete oso bakoitzeko: 0,05 puntu hileko. Kidego berezietan edo administrazio bereziko eskaletan emandako zerbitzuak onartuko dira, baldin eta horietara sartzeko eskatzen den titulazioa zuzenbidezkoa bada.

Lan egindako aldien kopurua batuko da, eta hilabete baino gutxiagoko aldiak baztertuko dira. Ondorio horietarako, 30 egun naturalek osatuko dute hilabetea.

Dagokion toki erakundeko idazkaritzak emandako ziurtagiriaren bidez egiaztatuko da lanbide esperientzia, autonomia erkidegoetako edo foru aldundietako organo eskudunak emandako izendapenaren egiazko edo jatorrizko kopiarekin batera, estaturako gaikuntzako lanpostuetarako izendapenen kasuan, eta, gainerako kasuetan, aurreko zerbitzuak eman ziren administrazioaren zerbitzu ziurtagiriarekin batera.

Ziurtagirietan, lanpostuaz jabetzeko data, kargu uztearen data, taldea, azpitaldea, eskala eta zerbitzu aldia jaso behar dira, azken hori egunetan, hilabeteetan eta urteetan adierazita.

Ez dira baloratuko aldi berean beste balorazio xede batzuekin egindako zerbitzuak.

C) Tituluak. Gehieneko puntuazioa, 4 puntu.

Lanpostuen eginkizun bereziak direla eta, honako titulu akademiko hauetakoren bat izatea baloratuko da edo eskaerak aurkezteko epea amaitzen den egunean titulu horiek lortzeko baldintzak betetzea, titulazio hauetako bakoitzeko puntuazio honen arabera:

– Gradu titulua (MECES 2) zuzenbidean: 2 puntu.

– Gizarte eta lege zientzien jakintza adarrari buruzko esparru hauetako beste titulu batzuk (MECES 2): administrazioa eta kudeaketa publikoa, zientzia politikoak, soziologia, ekonomia, enpresen administrazioa eta zuzendaritza, berrikuntzaren administrazioa eta kudeaketa, finantza ekonomia eta ekonomia aktuariala, lan zientziak, lan harremanak eta giza baliabideak: puntu 1.

– Zuzenbideko master ofizialaren titulu bakoitzeko (MECES 3): puntu 1. Master ofizialetan (MECES 3), lehen aipatutako gainerako titulazioen ezagutza adarrei buruzkoetan: 0,50 puntu.

Aipatutako ikasketa eremuei dagozkien graduak edo lizentziaturak unibertsitateen arloan eskumena duen ministerioaren titulazioen atalean jasotakoak izango dira.

Zuzenbideko lizentziaturek (MECES 3) 3 puntu jasoko dituzte, eta aipatutako gainerako ikasketak arloei buruzkoak, 1,50 puntu.

Atzerrian lortutako titulazioen kasuan, dagokion homologazioa lortu beharko da, urriaren 18ko 889/2022 Atzerriko hezkuntza sistemetak unibertsitate irakaskuntzak homologatzeko, baliokidetasun adierazpenerako eta baliozkotzeko baldintzak eta prozedurak ezartzen dituen, eta aurreko antolamendu akademikoetako unibertsitate titulu ofizialak goi mailako hezkuntzako kualifikazioen Espainiako esparruaren baliokidetzat ezartzeko prozedura arautzen duen Errege Dekretuan xedatutakoaren arabera.

D) Ikastaroak eta masterrak. Gehieneko puntuazioa, 2 puntu.

Azken hamar urteetan lanpostuarekin zerikusia duten ikastaroak edo masterrak egin izanagatik. Ikastarook, zuzenean eta ez zeharka, administrazio zuzenbideari, kontratazio publikoari, administrazio publikoetako langileei, administrazio publikoen ondasunei, toki araubideari, tokiko finantza eta zerga zuzenbideari, ekonomia eta finantza kudeaketari, aurrekontuei eta

kontabilitate publikoari edo hirigintzari eta ingurumenari buruzkoak izan beharko dute, eta Administrazio Publikoaren Euskal Institutuak edo administrazio publikoen mendeko beste prestakuntza zentro ofizial batzuek, unibertsitate publiko edo pribatuak eta elkargo ofizialek emanak edo homologatuak.

- 749 ordutik gorako unibertsitate ikastaro edo titulu propio bakoitzeko: 0,4 puntu.
- 500-749 orduko unibertsitateko ikastaro edo titulu propio bakoitzeko: 0,3 puntu.
- 100-499 orduko unibertsitateko ikastaro edo titulu propio bakoitzeko: 0,2 puntu.
- 25-99 orduko unibertsitateko ikastaro edo titulu propio bakoitzeko: 0,1 puntu.

Bestelako jarduerak, hala nola jardunaldiak, mahai inguruak, topaketak, eztabaidak edo antzekoak, ez dira baloratuko.

Ikastaroen iraupena ECTS kredituetan bakarrik adierazten bada, kreditu bakoitzeko 25 ordu zenbatuko dira.

Iraupena ECTS ez diren kredituetan bakarrik adierazten bada, kreditu bakoitzeko 10 ordu zenbatuko da.

Masterrak eta prestakuntza ikastaroak egiaztatzeko, dagokion unibertsitatearen ziurtagiria edo tituluaren kopia aurkeztu beharko da, programarekin batera. Ez dira baloratuko iraupen orduen, kredituen edo programaren berri ematen ez duten prestakuntza ikastaroak. Karrera, gradu edo master ofizialetan sartzen direnak ere ez dira baloratuko. Egiaztagiriek eskaerak aurkezteko epea baino lehenagoko data izan behar dute.

Epaimahai kalifikatzaileak merezimenduen behin-behineko balorazioa jasotzen duen zerrenda onartuko du eta Lagrángo Udalaren eta egoitza elektronikoaren iragarki tauletan argitaratuko du, puntuazioaren arabera ordenatuta.

Merezimenduen balorazioan puntuazio bera lortuz gero, honako irizpide hauek aplikatuko dira hurrenez hurren:

- Azken bost urteetan idazkaritza-kontuhartzailatza azpieskalako hautaprobetako ariketaren bat gainditu izana.
- Puntuazio handiena esperientziaren atalean.
- Puntuazio handiena titulazioen atalean.
- Puntuazio handiena Ikastaro eta masterren atalean.
- Zuzenbideko Gradua (edo lizentziatura) izatea.

Irizpide horiek aplikatuta oraindik ere berdinketak badirau, abizenen hurrenkera alfabetikoaren arabera ebatziko da, Estatuko Administrazio Orokorreko hautaketa prozesuetan izangaien jardun ordena zehazteko egindako azken zozketan Estatuko Aldizkari Ofizialean argitaratutako letratik abiatuta. Ondorio horietarako, lehenengo abizenak aurretik preposizioa edo preposizioa gehi artikulua — «de», «del» edo «de la(s)» — badarama, interesdunek idazteko duten modua edozein dela ere, elementu horiek izenaren ondoren sartuko dira, minuskulaz, alfabetatzeko.

Izangaiek bost egun balioduneko epea izango dute alegazioak egiteko. Epe hori amaituta, epaimahaiak hautaketa prozesuaren behin betiko balorazioaren zerrenda argitaratuko du.

Zazpigarrena. Zerrendaren kudeaketa

Behin betiko balorazio zerrendaren arabera gutxienez 2 puntu lortu dituzten hautagaiek osatuko dute lan poltsa.

Elkarteko lehendakariaren ebazpen bidez lan poltsa onartu ondoren, behin betiko balorazio zerrendaren arabera, elkarteak kudeatuko du, bertan ezarritako ordenaren arabera, eta Lagrán eta Haranako Udalaren egoitza elektronikoa eta udaleko iragarki tauletan argitaratuko da.

Poltsa indarrean dagoen bitartean lanpostua betetzeko beharra bada, lan poltsako pertsonei eskainiko die lanpostua epaimahaiburuak, lan poltsan duten hurrenkera errespetatuz, eta hiru egun balioduneko epe komuna emango die eskaintza onartu edo baztertzeko. Epe horiek eskaintza Lagrángo Udalaren egoitza elektronikoko ediktu taulan argitaratu eta postuaren eskaintza jasotzen duen posta elektronikoa bidali eta hurrengo egunetik aurrera zenbatuko dira.

Zortzigarrena. Dokumentuak aurkeztea

Lan poltsan puntuazio onena lortu duen eta izendapena proposatu zaion hautagaiari deia egin ondoren, hiru egun balioduneko epean, toki erakundeak izendapen proposamena helarazten dionetik zenbatzen hasita, deialdi honetan eskatutako gaitasun eta betebeharrak eta hautaketarako baloratu ziren alegatutako merezimenduak egiaztatzen dituzten jatorrizko dokumentuak aurkeztu beharko ditu, bai eta zinpeko adierazpen bat ere, honako hauek jasotzen dituen: ezintasun edo bateraezintasun kausaren batean ez dagoela eta diziplina espediente bidez ezin administrazio publikotako zerbitzutik bereizita ez dagoela. Horrez gain, eginkizunak normaltasunez betetzea eragozten dion gaixotasunik edo akats fisikorik ez duela egiaztatzen duen ziurtagiria ere aurkeztu beharko du.

Izangaia ez baditu eskatutako baldintzak egiaztatzen adierazitako epearen barruan, eta ezinbesteko kasuetan izan ezik, ondoriorik gabe geratuko dira bere jardun guztiak, eta, gainera, erantzukizuna izan lezake eskaeran datu faltsuak jartzeagatik. Halakoetan, elkartearen presidentek onartu duen hurrengo izangaia izendatzeko proposamena egingo du, puntuazio hurrenkerraren arabera.

Lan poltsatik kanpo geratzeko zioa izango dira hautagaiak lan poltsan parte hartzeari uko egitea, zortzigarren oinarriak eskatzen duen dokumentazioa epe barruan ez aurkeztea, lanpostuaz ez jabetzea eta eskainitako lanpostua betetzeari uko egitea, salbu eta, azken kasu horretan, arlo publikoan edo pribatuan lanpostu bat betetzen ari dela egiaztatzen bada edo osasun agiri ofizialen bidez egiaztatutako gaixotasuna badago.

Bederatzigarrena. Lan poltsaren indarraldia

Lan poltsak 36 hilabeteko indarraldia izango du, onartzen denetik zenbatzen hasita.

Nolanahi ere, deialdi bakoitzaren aurretik egiaztatu beharko da ez dagoela lanpostua behin-behineko izendapenaren, zerbitzu eginkizunen edo eginkizun metaketaren bidez betetzeko interesa duen karrerako funtzionariorik.

Hamargarrena. Epaimahaia eta oinarrien interpretazioa

Epaimahaia honako hauek osatuko dute: epaimahaiburuak, kideak eta kide-idazkariak (hitza eta botoa izango dute guztiek), eta horien ordezkoeak (A taldeko karrerako funtzionarioak).

Epaimahaiaren izendapena toki erakundeko lehendakariaren ebazpen bidez onartuko da, izangaiei zerrenda argitaratzen denean, eta batera argitaratuko da.

Izangaiek epaimahaiko kideak errefusatu ahal izango dituzte, Sektore Publikoaren Araubide Juridikoaren urriaren 1eko 40/2015 Legearen 23. eta 24. artikuluetan eta indarrean dauden gainerako xedapenetan jasotako inguruabarrak gertatzen direnean.

Epaimahaiak ahalmena du agertzen diren zalantzak ebazteko eta lehiaketaren ordena onari eusteko beharrezko erabakiak hartzeko; oinarri hauetan jaso ez den guztian, gaiari buruz indarrean dagoen legeria aplikatuko da.

Deialdia, haren oinarriak eta oinarrietatik eta epaimahai kalifikatzailearen jardunetik eratorritako administrazio egintza guztiak aurkaratu ahal izango dira Administrazio Publikoen Administrazio Prozedura Erkideari buruzko urriaren 1eko 39/2015 Legean eta Administrazioarekiko Auzien Jurisdikzioa arautzen duen uztailaren 13ko 29/1998 Legearen 8., 14. eta 46. artikuluetan jasotako kasuetan eta moduan.

ERANSKINA**Interesdunaren eskabidea**

Interesdunaren datu pertsonalak eta jakinarazpenetarako helbidea (nahitaezkoak):

Izen-abizenak:

IFZ:

Helbidea:

Posta kodea:

Udalerria:

Probintzia:

Jakinarazpen elektronikoa (halakorik izanez gero)

Gaitutako helbide elektronikoa:

Telefono finkoa edo mugikorra (nahitaezkoa):

Posta elektronikoa (nahitaezkoa):

Adierazten dut:(e) ko zenbakiko ALHAOn iragarritako deialdia ikusita, Lagrán eta Haranako Udalen Elkarteko idazkari-kontuhartzaile lanpostua betetzeko lehiaketaren deialdia dela eta,

Eta honako hau adierazten dut, neure ardurapean:

Espainiako nazionalitatea dut, edo urriaren 30eko 5/2015 Legegintzako Errege Dekretuak onartutako Enplegatu Publikoaren Oinarrizko Estatutuaren Legearen testu bateginaren 57. artikuluan xedatutakoa betetzen dut.

Behar besteko gaitasun funtzionala izatea egitekoak betetzeko.

Gutxienez hamasei urte izatea eta ez izatea derrigorrezko erretirorako gehieneko adina gainditu.

Ez nago diziplina espediente bidez baztertuta administrazio publikoen edo autonomia erki-degoetako organo konstituzionalen edo estatutuen arabeko organoen zerbitzutik, eta ez nago epai bidez erabat edo bereziki desgaituta enplegu eta kargu publikoetan aritzeko, ez funtzionario kidego edo eskalan sartzeko, ez, langile lan kontratuduna izanik, baztertu edo desgaitutako lanpostuan egiten nituen antzeko egitekoetan aritzeko. Beste estatu bateko herritarra izanik, ez nago desgaitua edo horren pareko egoera batean, eta nire estatuan egoera berean egonda enplegu publikora iristeko eragozpen izango litzatekeen diziplinazko zehapenik edo horren parekorik ez dut.

Eskatutako titulazioa eta hizkuntza eskakizuna ditut.

Horregatik guztiagatik, bat etorritz urriaren 30eko 5/2015 Legegintzako Errege Dekretuaren bidez onetsitako Enplegatu Publikoaren Oinarrizko Estatutuaren Legearen testu bateginaren 55. eta 56. artikuluetan xedatutakoarekin, udal horretako idazkaritza-kontuhartzaile lanpostua betetzeko bitarteko funtzionarioak hautatzeko prozesuan onartua izateko eskatzen dut.

Data eta sinadura:

Nire erantzukizunpean adierazten dut emandako datuak egiazkoak direla.

....., 20.....(e) koaren(a).

Eskatzailea.

Oharra: Eskabide honekin batera, eskatzen diren baldintzak eta alegatzen diren merezimenak egiaztatzen dituzten agirien kopia aurkeztu beharko da, aurkezten diren agirien aurkibidearekin batera.

Eskaera Lagrángo alkateari zuzendu behar zaio eta oinarrietan adierazitako posta helbidera edo egoitza elektronikora bidali.